

**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Generalibus Principiis Amoris Et Morum - Prolegomena septem,
Librosque undecim complectens

Henricus, de Sancto Ignatio

Leodii, 1709

Caput II. Non omnis actus conjunctus cum omissione culpabili, etiam
incompossibilis cum eo qui omittitur, participat malitiam omissionis, sed
ille dumtaxat, qui causa est omissionis.

[urn:nbn:de:hbz:466:1-73187](#)

2 Neque tunc impotentia à peccato excusat: quia non est antecedens, sed consequens; nec involuntaria, sed omnino voluntaria: utpote ex perversa ipsius voluntate proveniens. Si tamen de ista perversitate, ademptaque sibi potestate doleret, intra tempus quo horæ adhuc recitari possent; subsequens omission ex terna tunc in se peccatum non esset: utpote per dolorem illum seu resipiscientiam facta in se involuntaria; tametsi ante resipiscientiam contrafacta fuisset interna omissionis malitia.

3 Hinc sequitur, quod iste in foro interno, seu conscientiæ, non incurriter censuram, si qua foret externæ omissioni annexa. Eam tamen probabilius incurreret in foro externo, id exigente disciplinâ Ecclesia; eò quod omission illa originem haberet ex mala voluntate; sicut in casu quo voluntariam quis posuisset causam pollutionis, vel occisionis proximi, in ipsum explodendo, vel feminam aut seipsum libidinose tangendo, licet ante mortem vel pollutionem de eo doleret, nec mortem jam, vel pollutionem impedire valeret, censuram homicidio annexam in foro externo incurreret. Ita Wigers I. 2. q. 72. a. 6. n. 18. tametsi non incurrire putet Escobar I. 4. n. 242. & 243. referens Sorum, Sanchez, Salas, &c.

4 An etiam pollution tunc reservata foret, in Religionibus ubi reservatur pollution voluntaria? Videtur aliquibus quod non. Tum quia reservatio forum internum respicit. Tum quia non reservatur nisi actus consummatus, qui, in illo casu, non est voluntarius in se, nec in causa: utpote per poenitentiam retractata, an requam haberet effectum. Aliis ad casum reservatum sufficere videtur actus consummatus in causa, quæ licet jam non amplius voluntaria sit, voluntariè tamen posita fuit. Quidquid de eo sit, foret haud dubiè casus reservatus, si sequeretur ex causa voluntaria non retractata, tametsi impediti non posset eâ posita. Quia tunc foret in se peccatum, secundum se confitendum; licet hoc negent Vasquez, Layman, Amicus, &c. hoc in puncto nimis laxè sentientes. Videnda quæ dixi p. 1. cap. 24. &

25.

C A P U T II.

Non omnis actus conjunctus cum omissione culpabilis, etiam incompossibilis cum eo qui omittitur, participat malitiam omissionis, sed ille dumtaxat, qui causa est omissionis.

5 R atio est quia sunt plerique actus, qui nullo modo se habent antecedenter ad omissionem, sed merè concomitanter; nec ad eam se habent per se, sed per accidens, ut sunt illi quos homo vult propter seipso, non propter omissionem; eò quod homo ita sit comparatus, ut etiam actus illos non ponere, actum præceptum nihilominus omitteret. Quo casu cum homo propter illos non omittat facere quod debet, in illis non vult omissionem. Cur ergo participarent malitiam omissionis? Tunc so-

lum eam participant, dum per eos sibi potestatem adimeret in futuum adimplendi præceptum, casu quo de emendi voluntate poniteret. Quia tunc causa forent omissionis, saltem continuatae, uti n. 1. declaratum est.

Omnis etiam actus (quālibet alijs bonus) & omissionis malitiam eo ipso participare incipit, quo incipit per se esse causa moralis ipsius. Partim quia fit, quando non debet; partim quia malum est omne quod per se mali causa est, juxta illud: *Non potest arbor bona fructus malos facere.*

C A P U T III.

Plurima sunt omissiones culpabiles, ad quas major fidelium pars vix reficit, licet non solùm peccata sint, sed & proxima plurimum aliorum peccatorum occasiones.

Tales sunt omissiones actuum virtutum, 7 qui necessarii sunt ad actus præceptos aliarum virtutum. Nam omission, seu neglectus, v. g. orationis, occasio est lapsum in mortale peccatum, per defectum fortitudinis contraintationem, juxta illud: *Vigilate & orate, ne intretis in tentationem.* Rara etiam de Deo cogitatio, frequenter causa est jactura divini amoris, qui animæ vita est, quæ sine amore non consistit.

Talis quoque est omission, seu neglectus & pascendi animam devotâ consideratione veritatum Evangelicarum, aliisque exercitiis pietatis, quibus idem amor inchoatur, nutritur, roboretur, perficitur. Talis denique omission & neglectus discidi ea quæ ad proprium cuiusque statum pertinent, sicut & neglectus cavendi à vita dissipata, irregulari, laxiore, sine penitentia, sine vigili sui custodia, sine cura corrigendi venialia. Cum tali namque vita divinus amor vix aut ne vix quidem subsistere potest. Peccator proinde censendus non est ex toto corde ad Deum conversus, nisi in eo se emendet, correctisque negligentia iis, vita christiana exercitia, iis contraria, sedulò amplexus fuerit.

Et quid hinc sectariorum est, nisi quod 9 seipso dicipient Christiani multi, quibus curæ non est, nisi cavere à criminibus grossioribus & corporalibus, non autem à spirituallibus, à superbia utique & seculi deliciis ac vanitatibus? Fateor nihilominus inter occasiones grossiorum criminum, omissionesque actuum supradictorum, istud esse discriminis, quod priores plurimum conjunctæ sint cum mortali peccato; omissione vero exercitiū prefatarum virtutum, tametsi non parvi ad salutem sint momenti, sic consideranda non sit, quasi unaquæque omissione in particulari censenda sit proxima peccati mortalitatis occasio; & ideo penitens ob eam absolutione censendus non est indignus, nisi negligentia tanta fuerit, ut argumento sit, animam notabiliter deficeret in studio salutis, curaque divini amoris, atque